



## ORDENANZA FISCAL Nº 4 REGULADORA DO IMPOSTO SOBRE VEHÍCULOS DE TRACCIÓN MECÁNICA.

### ARTIGO 1. Normativa aplicable.

O imposto sobre vehículos de tracción mecánica, rexerá neste Concello:

- Polas súas normas reguladoras, contidas na Lei reguladora das facendas locais, e polas demais disposicións legais e regulamentos que complementen e desenvolvan a dita lei.
- Pola presente ordenanza fiscal.
- O imposto esixirase de acordo co cadro de tarifas establecido no artigo 95.1 da Lei reguladora das facendas locais, que se incrementaría pola aplicación sobre estas dun coeficiente do 1,74 polo que as cotas que se han satisfacer son as seguintes:

POTENCIA E CLASE DE VEHÍCULOS	
	COTA/€
<b>A) Turismos:</b>	
De menos de 8 cabalos fiscais	22,27 €
De 8 ata 11,99 cabalos fiscais	60,11 €
De 12 ata 15,99 cabalos fiscais	126,97 €
De 16 ata 19,99 cabalos fiscais	158,00 €
De máis de 20 cabalos fiscais	197,59 €
<b>B) Autobuses:</b>	
De menos de 21 prazas	146,97 €
De 21 a 50 prazas	209,29 €
De máis de 50 prazas	261,51 €
<b>C) Camións:</b>	
De menos de 1.000 Kg. de carga útil	74,59 €
De 1.000 a 2.999 Kg. de carga útil	146,97 €
De máis de 2.999 a 9.999 Kg. de carga útil	209,34 €
De máis de 9.999 Kg. de carga útil	261,51 €
<b>D) Tractores:</b>	
De menos de 16 cabalos fiscais	31,19 €
De 16 a 25 cabalos fiscais	48,97 €
De máis de 25 cabalos fiscais	146,97 €
<b>E) Remolques e semiremolques arrastrados por vehículos de tracción</b>	
De menos de 1.000 Kg. e máis de 750 Kg. de carga útil	31,19 €
De 1.000 a 2.999 Kg. de carga útil	48,97 €
De máis de 2.999 Kg. de carga útil	146,97 €
<b>F) Outros vehículos</b>	
Ciclomotores	7,78 €
Motocicletas ata 125 c.c.	7,78 €



Motocicletas de máis de 125 ata 250 c.c.	13,25 €
Motocicletas de máis de 250 ata 500 c.c.	26,65 €
Motocicletas de máis de 500 ata 1.000 c.c.	53,46 €
Motocicletas de máis de 1.000 c.c.	106,86 €

## **ARTIGO 2.**

1. Para a aplicación das tarifas, o concepto das diversas clases de vehículos será o recollido na Orde do 16 de xullo de 1984.

2. En todo caso, a rúbrica xenérica de tractores á que se refire a epígrafe 4 das Tarifas, comprende aos tractocamións e aos tractores de obras e servizos.

3. A potencia fiscal expresada en cabalos fiscais establecerase de acordo co disposto no artigo 260 do Código de Circulación.

4. Para resolver as dúbidas de cualificación que puideran cuestionarse, utilizaranse subsidiariamente as seguintes normas:

Primeira. Entenderase por furgoneta o resultado de adaptar un vehículo de turismo a transporte mixto de persoas e cousas mediante a supresión de asentos e cristais, alteración do tamaño ou disposición das portas ou outras alteracións que non modifiquen esencialmente o modelo do que se deriva. As furgonetas tributarán como turismo, de acordo coa súa potencia fiscal, salvo nos seguintes casos:

- a) Se o vehículo estivese habilitado para o transporte de máis de nove persoas, incluído o condutor, tributará como autobús.
- b) Se o vehículo estivese autorizado para transportar máis de 525 Kg de carga útil, tributará como camiión.

Segunda. Os motocarros terán a consideración, para os efectos deste imposto, de motocicletas, e polo tanto, tributarán pola capacidade da súa cilindrada.

Terceira. No caso dos vehículos articulados tributarán simultaneamente e por separado o que leve a potencia de arrastre e os remolques ou semirremolques arrastrados.

Cuarta. No caso dos ciclomotores e remolques e semirremolques que pola súa capacidade non veñan obrigados a ser matriculados, consideraranse como aptos para a circulación dende o momento que se teña expedido a certificación correspondente polo organismo competente ou, no seu caso, cando realmente estean en circulación.

Quinta. As máquinas autopropulsadas que poidan circular polas vías públicas sen ser transportadas ou arrastradas por outros vehículos de tracción mecánica tributarán polas tarifas correspondentes aos tractores.

## **ARTIGO 3.**

O pagamento do imposto hase acreditar mediante:

- Carta de pagamento.
- Recibo Tributario.



#### **ARTIGO 4.**

1.- No caso de primeiras adquisicións de vehículos ou cando estes se reformen de xeito que altere a súa clasificación para os efectos do presente imposto, os suxeitos pasivos presentarán na oficina xestora correspondente, no prazo de trinta días a contar desde a data de adquisición ou reforma, declaración-liquidación segundo o modelo determinado por este Concello, que conterá os elementos da relación tributaria imprescindible para a liquidación normal ou complementaria procedente así como a súa realización. Acompañaranse á documentación acreditativa da compra ou modificación, o certificado das súas características técnicas e o documento nacional de identidade ou código de identificación fiscal do suxeito pasivo.

2.- Simultaneamente á presentación da declaración-liquidación á que se refire o apartado anterior, o suxeito pasivo ingresará o importe da cota do imposto resultante desta. Esta autoliquidación terá a consideración de liquidación provisional en tanto que pola oficina xestora non se comprobe que a mesma se efectuou mediante a correcta aplicación das normas reguladoras do imposto.

#### **ARTIGO 5.**

1.- No caso de vehículos xa matriculados ou declarados aptos para a circulación, o pagamento das cotas anuais do imposto hase realizar dentro do primeiro semestre de cada exercicio.

2.- No suposto regulado no apartado anterior a recadación das correspondentes cotas realizarase mediante o sistema de padrón anual no que figurarán todos os vehículos que no permiso de circulación figure o domicilio neste Concello.

3.- O padrón ou matrícula do imposto expoñerase ao público durante o prazo de 15 días hábiles para que os lexítimos interesados poidan examinalo e, no seu caso, formular as reclamacións oportunas. A exposición ao público anunciarase no Boletín Oficial da Provincia e producirá os efectos de notificación da liquidación a cada un dos suxeitos pasivos.

4.- A cota prorratearase por trimestre para os vehículos que se matriculen ao longo do exercicio.

5.- O importe poderá esixirse en réxime de autoliquidación.

6.-En relación coas exencións previstas nas letras e e g do apartado 1 do artigo 93 do TRLFL RDL 2/2004; o interesado deberá instar a súa concesión indicando as características do vehículo, a súa matrícula e a causa do beneficio.

7.-En relación á exención dos vehículos para persoas de mobilidade reducida (letra e) o interesado deberá cumprir os requisitos e achegar a documentación que se indica de seguido:

##### **1. Requisitos:**

- 1-Grao de minusvalidez igual ou superior ao 33%.
- 2-Os vehículos deben figurar a nome da persoa minusválida.
- 3-O vehículo debe de ser para uso exclusivo da persoa minusválida.
- 4-O beneficiario non pode gozar do beneficio fiscal por outro vehículo

##### **2. Documentación:**

- a- Solicitud do interesado.
- b- Orixinal ou fotocopia compulsada do certificado de minusvalía expedido pola Xunta de Galicia onde se especifique o grao de minusvalía



c- Fotocopia do permiso de circulación onde conste a titularidade do vehículo na persoa minusválida.

d- Declaración do titular do vehículo facendo constar que non posúe ningún outro vehículo que teña concedido o beneficio fiscal que se solicita ou, no seu caso, renuncia deste facendo constar a matrícula do vehículo.

**Prazos e lugar de presentación:**

- 1) As solicitudes e documentación presentaranse en calquera das oficinas de Xestión Tributaria da Deputación provincial da Coruña, sitas en Narón, Ferrol ou A Coruña, ou no propio Rexistro Xeral do Concello e Narón
- 2) A exención solicitada despregará os seus efectos a partir do 1 de xaneiro do ano inmediatamente posterior á súa concesión

**ARTIGO 6. Bonificacións.**

Unha bonificación do 100 por 100 a favor dos vehículos que teñan unha antigüidade mínima de vinte e cinco anos contados a partir da data da súa fabricación ou, se esta non se coñecera, tomando como tal a da súa primeira matriculación ou, no seu defecto, a data na que o correspondente tipo ou variante se deixou de fabricar.

A bonificación prevista no apartado anterior, debe ser solicitada polo suxeito pasivo a partir do momento no que se cumpran as condicións esixidas para o seu gozo.

**DISPOSICIÓN FINAL.**

A presente ordenanza entrará en vigor o día da súa publicación no BOP e comezará a aplicarse a partir do día 1 de xaneiro de 2012, permanecendo en vigor ata a súa modificación ou derogación expresa.